

Høgskulen for landbruk og bygdeutvikling er best i landet på samfunnskontakt

Kunnskapsdepartementet slår fast at Høgskulen for landbruk og bygdeutvikling (HLB) no er nummer ein i landet når det gjeld samfunnskontakt og oppdragsfinansiering.



Kunnskapsdepartementet sin årlege tilstandsrapport for høgare utdanning vart lagt fram 08.05.2012. Rapporten stadfester HLB si positive utvikling på ei rekkje område og slår fast at HLB no er nummer ein i landet når det gjeld samfunnskontakt og oppdragsfinansiering.

[Les også: Landbruk er mykje viktigare enn husbygging på Jæren](#)

MÅL PÅ KOR GOD

Bidrags- og oppdragsfinansiert aktivitet (BOA) er en indikator på omfanget av universitets- og høyskolesektorens samhandling med og relevans for aktører på ulike nivå i samfunnet rundt, regionalt, nasjonalt eller internasjonalt. BOA er virksomhet som ikke er finansiert gjennom institusjonenes statlige grunnbevilgning.

BOA blir målt som prosent av institusjonen sine samla inntekter. Her er HLB suverent best i landet. Heile 24,8 prosent av høgskulen sine inntekter i 2011 kjem innanfor det Kunnskapsdepartementet definerer som eksterne oppdragsinntekter (BOA). Snittet for dei private høgskulane er 4 prosent, for dei statlege høgskulane 4,5 prosent, og for universiteta 6,3 prosent.

[Les også: - Landbruksmeldinga opnar for ei spennande regional dreining i politikken](#)

- Indikatorrapporten stadfester tilbakemeldingar me får nesten dagleg. Folk over heile landet oppfattar oss som særst nyttige og relevante i forhold til samtidsutfordringane landbruket og bygde-Noreg står overfor. For studentane våre må det òg vera betryggjande å vita at kunnskapen som vert produsert og formidla ved HLB er etterspurt i samfunnet, uttaler rektor Dag Jørund Lønning.

[Les også: Jærbonden som fellesgodeprodusent](#)

- Som liten privat høgskule på bygda utan gavmilde onklar og tanter er me heilt avhengige av å vera samfunnsrelevante og marknadstilpassa for å overleva. Oppdragsinntekter vil alltid vera viktige for oss. Sjølv om ein av og til kunne tenkt seg langt større statlege tilskott, er det til sjuande og sist ei god kjensle å kunna stå på eigne bein. Resultata våre kjem rett og slett av hardt arbeid, eit knallsterkt fagmiljø og god kjennskap til kunnskapsbehovet innanfor landbruk og bygdenæringar, synest han.